


T 2720/3223

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
JAN 20 1940


14



名山藏

分藩

白地行 順小冊



名山藏卷之三十八

分藩記三

晉江何喬遠
八誤
哈佛大學哈佛葉宗
圖書館珍藏印

韓王

安王 唐王

伊王 潘王

高帝十八子也與蜀王同母國宣府古上谷

地故曰谷鄙於寧成祖靖內難寧有佐助功而王自

歸建文帝使門金川靖難師渡江王見建文帝不競

開門迎成祖成祖德之既即位賜王樂七奏衛士三

百金銀槍大劍黃金三百白金三千綵幣三百匹鈔

名山辨 卷之三十一 三
三百錠馬四匹金籠鞍轡二副歲增米三千石與寧
王金徙內地寧王南昌谷王長沙王之國復賜馬三
十四匹鞍二副銀五百兩鈔三萬六千錠錦十疋紵
絲綾羅各六十疋絹百九十疋羊二十羸酒二百甌
其從官賜宴鈔甚厚王居長沙橫甚忠誠伯茹瑄衡
山人太祖舊臣也道歸里不謁王王白帝帝下瑞獄
竟死王益養死士藏亡命作舟艦弓弩器械教習兵
戰大創佛寺私度僧千人呪詛縣官而自祈祝與都
指揮成宦者智典寶信暱造圖讖謂十八子當有天
下而占之曰我也我高帝十八子號成曰師尚父智

信曰國老令公使智致蜀王帶爲隱語匿帶中陰約
與起事召匠製機燈選黠士教之音樂而以獻請得
上元入禁張燈樂人進侑食於內庭王賦國中及于
蛄蜺之轉取於游觀輦輦花石無遠近國人皆怨長
史盧廷綱數諫王王誣廷綱誹謗磔殺之指揮彰舍
人常泄王事成死亡敢諫者張興者王府中都督密
言成祖成祖曰穗朕弟興曰雖然請察之成祖曰吾
察之興還白皇太子南京曰臣所奏皆旦夕急上猶
徐徐爾卽不信急時請得無隨坐乎會蜀王子悅燭
逃王所王匿之詭衆曰建文君尚在金川之役我出

之今居我所我將爲伸大義發有日蜀王聞大懼使儀賓瞻上變上曰有是哉立歸悅燁於蜀召王京師王猝就徵旣至示之蜀王之章自服永樂十四年十月甲申成國公勇都察院左都御史觀率文武羣臣奏曰切聞封建親支藩屏宗社傳之萬年與施罔極聖王之制也周有管蔡漢有淮南聖賢之君至爲割恩正法誠以宗社安危有天下者不以私害公公谷王穗淫心不度詐爲圖讖妖言陰養死士演習兵法匿戰船於瀏陽屯田積穀廣設厰胥淬礪器械都指揮成尊爲尚父宦者智信嚴以國老令公機匠製燈籠

夫習樂計獻內廷伺間觀隙詐留蜀王子托之革君蜀王出裏譬不悛改私度僧尼禱且呪殺諫臣廷綱磔亡罪人投之水賴天地宗社之靈蜀王忠貞發厥奸謀陛下卽篤親親不忍如公義何臣等謂谷王穗大逆不道誅劉不可赦謹昧死聞成祖曰穗朕弟楚王楨周王橐蜀王椿遼王栢寧王權藩王模其與諸王雜議十五年正月甲辰楚王楨等謹上議谷王穗違棄祖訓陰結惡黨謀不軌天地所不容祖宗所不佑臣等皆兄弟謂宜按法誅惟大兄皇帝陛下裁門內恩所以昭姦示憲於天下也成祖曰穗朕弟二月

癸亥成祖曰小子穗反性滅倫自作孽于不靖賴天地宗社之靈蜀王忠孝發爾陰謀顯暴不可覆諸生羣臣咸來昭討朕隱于懿親削爾王降庶人嗚呼省念哉乃誅所與共謀而都督張興釋不問王闔戶自焚死獨其子賦焮有後爲谷庶人

韓憲王松母曰周妃洪武二十四年封開原與藩王皆以幼未之國上使王絲周歷秦晉抵燕齊藩王自齊歷燕晉抵秦周見于五王以敦友弟之好亦游觀諸國都王聰明機辨通今古恭謹無過永樂五年竟未之國薨于恭王冲熾立憲王之薨也恭王幼亦未

之國仁宗卽位徙國平涼明年與襄陵王冲秋樂平王冲熒竝召至頃之各獻詩頌仁宗嘉嘆勅獎賜白金鈔幣有差正統元年上書言邊務賜書褒答立三十一年薨懷王範圮以庶子立三年患陰厥薨亡子其初封開城也靖王範抑以庶弟立五年其初封西鄉也惠王徵針以庶長子立二十年其初封高陵也悼王偕流以庶二子立六年亡子其初封廣安也康王偕灃有善行以庶弟立二十六年其初封彰化也昭王旭樾學問忠孝能詩善書時時推惠於其國中以庶長子立三十一年其初封渭南也定王融燧以

名山癩 卷之三十一 三 四
嫡子立二十九年王通文藝曉彈射有才略然嗜利
用匪人爲暴橫子謨興先王卒以今王朗錡追諡安
其初諡悼恭世子也朗錡立十九年薨其初鎮國將
軍也今王景浚立長孫達杞

韓憲王四子

恭王

襄陵王冲秋王孝事父母正統己巳率師勤王英宗
後元年惠王奏王性至孝母年八十一得危疾割股
肉作汁剪鬚和之爇香禱天母泄下取嘗之數日瘳
王年五十有七故抱氣羸悴自母病解氣積遂散誠

孝感通顯有徵驗上賜勅獎諭憲宗初虜入河套王
請率子孫及壻從軍褒詔不許爲人忠孝讀書節儉
好禮爲藩輔寇年七十餘無疾考終平生先後蒙璽
書褒詔者六薨子範址嗣武宗初惠王奏王讀書守
禮嘗割股愈母父薨刻木供奉忌日必哀時新不薦
不敢食待諸弟友愛賙軍較貧乏葬其不能舉者年
七十餘猶北向扶杖拜祝節慶上致書獎諭曰敬問
高叔祖襄陵王年高德盛孝義彰聞朕不勝嘉悅夫
宗室天下表有此善行宜用旌庸尚懋初心允終令
德俾諸後進觀法同歸王妃劉氏亦有賢行朝命謨

名山藏 卷之三十一 三
文立石王薨子徵鈐嗣鈐薨子鎮國將軍偕泚孫旭
撞未封皆先卒自冲秋至于旭撞五世同居孝友作
述嘉靖十一年賜璽書會孫融焚嗣嘉靖三十二年
以與長樂王融焯慶陽王謨塾及諸宗室二百餘人
訐奏定王爲奸利竝革祿焚薨子謨塏嗣塏薨今王
朗鑽嗣

樂平王冲炆憲宗十七年康王偕潛奏臣會叔祖樂
平王冲炆登年八表累善百行乞賜褒旌爲宗室勸
憲宗致王書曰韓王奏會叔祖年高德邵善行昭彰
朕聞甚悅足以增光本支永楷親族究厥底歸且賢
東平其益加調攝頤養天和副朕眷念之意炆薨子
範塲先卒孫徵鋹嗣鋹薨子偕泚嗣泚薨長子旭樞
先卒孫融熨嗣熨薨今王謨嗣

臨汾王冲焘絕除

韓恭王五子

懷王

靖王

褒城王範堦堦薨子徵鉅嗣鉅薨子偕泚嗣泚薨子
旭欄嗣欄薨子融烝嗣烝薨子謨垣嗣垣子郎銓未
封卒亡子除

通渭王範墅墅薨子徵鉢嗣鉢薨子偕涇嗣涇薨子
旭楊嗣楊薨子融炆嗣炆薨今王謨埽嗣長子朗鉢
平利王範壑亡子除

韓靖王二子

惠王

漢陰王徵錠王薨無嗣其疾也妃父周恂取他人子
為王子既長得封成化十四年事覺斬恂沒其家受
封男女皆賜死追削王諡降庶人除

韓惠王七子

偕沔未封卒

倬王

主

偕泓未封卒
偕溥未封卒

高平王偕爨爨薨子旭樽嗣樽薨子融炆嗣鎮國中
尉旭柳炆父行也私挾妓外遊炆通其妻謀殺之事
覺謫為庶人肅帝十五年也除

西德王偕澗澗薨子旭樅先卒孫融燿嗣燿薨今王

謨埽嗣

韓康王七子

昭王

隴西王旭林絕除

寧遠王旭栓栓薨子融煥嗣煥薨子謨堯嗣堯薨今

王朗鏡嗣

旭栲未封卒

長泰王旭橫橫薨子融焯嗣焯薨子謨墳嗣絕除有

宗室

永福王旭禪禪薨子融熒嗣熒薨今王謨瑄嗣

建寧王旭楸楸薨子融炯嗣王貧以受封金冊質金

於宗室偕泆泆子旭椽難之以多取息事聞坐廢為

庶人除有宗室

韓昭王四子

定王

長洲王融煖煖薨子謨堦先卒今王朗錠嗣

崑山王融皎皎薨子謨堦嗣堦薨今王朗鐸嗣

長樂王融焯焯薨今王謨垓嗣

韓定王五子

安王

高淳王謨塏塏薨今王朗鎔嗣長子璟淳

休寧王謨塏塏薨子朗鏐嗣絕除

慶陽王謨 摯 摯 薨子朗 鋌 嗣絕除

通安今王謨 摯 長子朗 鎔

韓安王十子肅帝末年以宗室祿不足詔身不及王者許其嫡長子繼王餘子如故秩郡王支絕虛其爵不得繼著為令安王以世子不及王王其嫡子朗 錡 餘子皆封鎮國將軍

韓 王九子

今王

崇明王璟 清 清 薨子遠 楊

長吉王璟 濶 長子遠 植

保德王璟 濶 薨子未名

綏平王璟 洛 洛 薨亡子除

咸陽王璟 漫

襄丘王璟 淶

固原王璟 渭

九子璟 余

臣為郎時韓自王而下凡三千七十有二宗

瀋簡王模 國潞安其初潞州也母趙貴妃王以高帝

二十四年封成祖六年之國惇靜守禮在位四十一

年薨諡曰簡子侂 焯以武鄉王嗣在位二十六年薨

諡曰康子幼孳嗣有賢聲在位五十八年年八十薨
諡曰莊子詮鉅以西陽王嗣在位十九年薨諡曰恭
子勛泚以福山王先卒諡恭和恭和王子胤橙亦蚤
卒再從弟胤移以靈川王嗣胤移者恭裕王勛潛之
子榮懿王詮銖之孫而榮懿王莊王次子也胤移進
王追諡榮懿安王恭裕惠王而諡恭和靖王胤橙懷
王王在位十九年薨諡曰憲王秀傑耽文儒講德脩
道子恬皎嗣好學工古文詞妙於聲律在位二十九
年薨諡曰宣今王瑄堯嗣王仁孝効恭於天子穆廟
下璽書賜棹楔世子效鏞

瀋簡王七子

康王

陵川王佶燿燿薨長子幼墜不及封子詮鏞嗣鏞薨
長子勳讓不及封子胤杲嗣杲薨今王恬燿

平遙王佶焜焜薨子幼墜嗣亡子除有宗室

黎城王佶燿燿薨子幼墜嗣亡子除有宗室

稷山王佶焜焜薨子幼拱嗣拱薨子詮鏞嗣鏞薨子

勳沍嗣沍薨子胤柯嗣柯薨子恬焜嗣今王瑄堯

沁水王佶焜焜薨子幼墜嗣墜薨子詮鏞嗣鏞薨子

勳瀯嗣瀯薨子胤穰嗣穰薨子恬焜嗣焜薨今王瑄

名山藏 卷之三八 三
堦長子效經

沁源王佶焯焯薨子幼埼嗣埼薨子詮鍾嗣鍾讀書
好文薨子勛溱嗣溱薨長子胤楊不及封孫恬焯嗣
焯薨今王瑄墀嗣長孫效鏢萬曆十五年坐逼死族
祖降庶人

瀋康王七子

莊王

清源王幼圻博學多著述圻薨子詮銘嗣銘薨子勛
瀉嗣瀉薨子胤杻嗣杻薨今王恬茨

遼山王幼壘成化十九年王妃薨來辭內官遣祭憲

宗曰禮也而王辭豈以爲厲耶無他也王承之王薨
子詮鉞嗣鉞薨子勛澄嗣澄薨今王胤杞嗣長子恬
輝

內丘王幼墳墳薨長子詮鉞不及封孫勛滌嗣滌薨
長子胤秘不及封孫恬熙嗣熙薨今王瑄堦

廣宗王幼埭亡子除

唐山王幼嶠嶠薨子詮鉞嗣鉞薨子勛澂嗣澂薨子
胤樛嗣樛薨子恬焯嗣焯薨長子瑄鄆

永年王幼塏塏薨長子詮燭長孫勛浚皆不及封曾
孫胤櫛嗣櫛薨子恬焯嗣焯薨子瑄封嗣子效璽

名山痛
卷之三十八
三
潘莊王七子

恭王

靈川王詮鉢以孫憲王追諡安子勛潛以子憲王追諡惠憲王既進封遂進封惠王次子鎮國將軍胤樾爲德平王以續靈川之後而靈川之郡爵除樾薨今王恬燁嗣長子瑄雖

宜山王詮鏞鏞薨子勛渥立長子胤樾得罪於父長孫恬燁

宿遷王詮鏞鏞薨子勛澤嗣澤薨子胤杼不及封孫恬煙嗣亡子除有宗室

吳江王詮鏗鏗薨子勛清嗣清薨子胤楸不及封今王恬糕

定陶王詮鏘鏘薨子勳澧不及封孫胤樾嗣長子恬

雲和王詮鑰鑰亡子除

審憲王四子

宣王

鎮康王恬焯穆宗朝以孝義旌亡子除

恬熈天

安慶王恬燿穆宗朝以孝敬旌

潘宣王七子

今王

保定王瑄坦

德化王瑄機

靈壽王瑄塔靈壽而下以例不得封潘恭於天子天子悅之與之封而不祿

六合王瑄埏

瑄睦

七子未名

今王一子

世子效鏞

臣爲郎時潘自王而下凡九百九十有二宗

安惠王楹洪武二十四年封平涼王二十七年薨亡子國除仁宗初以平涼封韓景帝中使襄陵王冲炆奉惠王祀故襄陵祀安王

唐定王經國南陽母李賢妃以高帝二十四年封成祖六年之國王王敏而蕩王二十五年薨子瓊炆立是爲靖王王綜覈有桀黷爲成祖所喜永樂中入朝五日三召見王六年薨妃高氏未聞殉詔封靖王妃王弟瓊炆立是爲憲王王四十八年薨臨終善誨諸子

爲詩永訣子芝址立是爲莊王王孝事父母被服儒
行王十一年薨子彌錡立是爲成王王肆力經史屏
几書訓言諸宗有飾裘馬買名姝者憎之若浼日與
文士觴詠士大夫道南陽無不求見王孝宗朝奏朝
廷待親藩生爵歿謚親親至矣聞有惡未敗聞沒獲
美諡魯荒秦愍殆豎明初請令勘實用寓彰瘡禮部
議覆從之且言王見及此誠可嘉尚請降勅獎諡徧
布諸王詔可武宗出游王作憂國詩八章王三十五
年薨亡子愛文城子宇溫賢立爲嗣是爲敬王肅帝
十八年王以賢孝旌久之作太廟獻黃金千白金萬

助大工賜玉帶益祿歲百石王三十六年薨子宙枋
立是爲順王王三年薨今王碩熲立

唐定王三子

靖王

新野王瓊燁定王庶子王薨謚悼懷子恭簡王芝城
立王有繼妃曰邢太妃甚賢善爲王持家薨子宣懿
王彌錡立薨子榮僖王宇滬立薨子康靖王宙枋立
薨子碩燦立爲今王

憲王

唐憲王六子

悼簡世子芝壩

莊王自舞陽王封

三城王芝垝通經著書精書畫好禮有名弘正間亡子以蕩陰王子鎮國將軍彌瑩奉王祀爵除庶人芝坦封新城孝宗十三年坐炮烙刑人子彌鏡助爲虐除

承休王芝垠王靖王繼妃焦氏出妃愛之每入宮母子坐食相對不爲禮遇節旦召樂婦入戲笑莊王啓焦欲責之焦不問王值其出宮召詰之語不遜王忿觸之芝垠詈王筆王之侍從母焦怒持鐵槌槌王門

王閉不敢出妃弟璟遂與芝垠誣莊王毆罵繼母意圖不軌王亦奏芝垠淫亂事王坐革爵憲宗二十年也孝宗七年復之子彌振立有賢聲葬之日牽紼而號者數千人子宇淵立淵薨子宙枝好學識典故不及封子碩燦爲今王

蕩陰王芝坻倜儻好文不問家食貧而好施薨子彌鏐立長子宇澄賢不及封子宙棨立棨薨亡子除有

宗室

唐莊王五子

成王

浙陽王彌鏗亡子除

文成王彌鉗穎哲儉素善詩賦書隸廣置園圃亭榭

以延賓客士大夫過南陽皆造門求見子宇溫嗣王

追諡王為恭郡爵除有宗室

郟城王彌銀銀薨長子宇清不及封孫宙桃立桃薨

亡子除有宗室

衛輝王彌鎬鎬薨子宇漳立漳薨子宙桐蕭及封孫

碩煥立煥薨亡子除有宗室

唐敬王一子

順王

唐順王一子

今王

今王五子

器櫬餘子幼

臣為郎時唐自王而下凡九十有三宗

郢靖王棟母劉惠妃高帝二十四年封安陸王二十

四年薨妃郭氏武定侯英女也王薨亡子有女四人

郭妃對鑑自形遺女而經以從王

伊厲王憐國洛陽母曰葛麗妃洪武二十四年封王

好武不能宮居喜負劍馳馬有犯轡者手斬之血濺

王衣王則好衣其血濺者平居髡裸男女雜坐之故
諡厲王二十四年薨子顛炔立是爲簡王王求府太
守亡饜縱其中官擾民洛陽人苦之河南太守李驥
稍稍操以法王故誣驥他罪章帝釋驥械治其府中
人睿帝時進表文不恭謹屢被讓王四十年薨子勉
堡不及封孫諛釁立是爲悼王追封勉堡爲安王悼
王十年薨亡子弟諛錡以郟城王進封是爲定王王
好學崇禮居喪過哀忌日哭泣終日不食歲時祀先
王致齋于外郡王鎮國非慶賀不褻見望闕北首過
廟則趨民間高年耆宿必禮下之縉紳士夫進鬼虛

心延問王三十三年薨子訐淵立是爲莊王王十六
薨亡子弟訐淳以濟源王進封王讀書好禮事其生
母至孝母沒廬神主殿側者三年十六年薨子典楨
以嘉靖二十三年立爲王以四十一年降爲伊庶人
庶人懷而狠多縱府中人持河南吏短長吏不如指
則旦夕斥去卽去大遭其折辱縉紳大夫過河南有
徑外郊不入朝者王使迫挽其車辱以非禮卽入朝
者王必多爲難河南通判某者素不善事王不內王
干請反去王使數十人待之途拔其髮髭大遺於其
口中御史某按河南從北卽山外過王要笞之往來

縉紳率迂折從他境其土之仕於外者寧久官不敢歸家河南守相長吏莫敢問王以此自得計太守張柱者山東人公廉不發私書既至官則較尉數百人持太守事太守不得有所平反柱戒門曰有內伊較尉者死較尉不得見太守太守剖斷自如王怒召優人守府門爲太守家人淫奔瀆亂之戲伺太守出俳弄之王蕭牆敝請垣許之則奪郡治及學宮地以廣宮郎中陳大壯者居鄰王王亦求其居弗與王使數十人從大壯卧起有所食輒奪之大壯伶俜市中適府獄戶開大壯竄入與囚同食數月乃出王使人從

大壯如故大壯竟餓死其家不得收屍王所爲宮重城層臺傲闕下錦衣官較宣詔陝西從洛陽過王擁錦衣人召官屬迎詔王私製一黃紙爲詔書捧入內不開宣衆問何詔也王曰詔耳妄問者死其夜與其子褒燻大張宴樂至曙令其府中人皆稱千歲若謂伊親於天子天子密詔之也王攘人妻女至四百餘口奪民廬舍至三千餘誑脅人財至三萬餘金晝閉河南府城大選民間女十二歲以上者七百餘畱其姝麗者九十人不畱者令具金贖厭惡者委投圈虎事聞上革王祿三之一令王壞僭城歸奪女出羣小

名山藏 卷之三十一 三
人付有司王自如禮部數牒促之河南守相持牒入
王曰安用牒是爲我障櫺我猶嫌有畫河南守相乃
自召卒其僭城墮未半持挺者數百人出王宮逐
卒卒或墮或壓多死者河南人怨王皆曰伊王反矣
河南僉事林騰蛟具疏從都御史堯臣御史鯨以聞
王毒殺之章下禮部三法司具言伊王典楨好亂暴
棄禮義違祖訓失藩臣節陛下念親親曲赦再四不
痛心湔躬回奸日甚臣等謂宜如徽王載堦故事降
爲庶人禁錮高牆削除世封制曰可
伊厲王一子

簡王

伊簡王二子

安王初以庶子封洛陽以子悼王進封追諡安郡爵
除

光陽王勉圻無子除

伊安王四子

悼王

方城王諱鑠鑠薨子訐注立注薨長子典榕不及封
孫褒煇立煇薨今王珂藩立

西鄂王諱缺缺薨子訐潔立潔薨亡子除有宗室

定王初封邲城以進封郡爵除

伊定王二子

莊王

敬王初封濟源以進封郡爵除

伊敬王二子

庶人典橫

萬安王典橫今王褒煇立

伊庶人一子

庶人褒以父故謫竟絕

臣為郎時伊凡八十宗

名山藏卷之三十九

晉江何喬遠 撰

分藩記四

成仁宣三廟子

成三子

仁宗而外凡二王

漢庶人趙王

漢庶人高與母徐皇后太祖時以燕王子封高陽成

祖即位封漢王狙詐多智以材武自負也初太祖召

諸王子學京師諸王子皆留心翰墨王獨嬉遊輕躁

太祖小祥王與燕世子入祭外舅徐輝祖密奏高與

勇悍無賴非惟不忠抑且叛父請建文君留勿遣輝

祖弟增壽及駙馬都尉王寧力庇之竟遣還將行入
輝祖廐盜其驪不辭朝去過涿殺涿驛吏燕王靖內
難謂王武使從師王領勁騎接戰白溝東昌有功及
浦子口燕王與南將盛庸戰敗矣王搏胡兵至燕王
撫之曰勉哉予病矣世子多疾定難以功王又力戰
破盛庸世子爲人仁膚體充盈而王長七尺餘輕趨
挽千鈞兩腋若有龍鱗者數片燕王以類已愛之既
有天下密召淇國公丘福駙馬都尉王寧學士解縉
等謀所立福寧言二殿下爲陛下靖難有功功高於
世子立子以長平世之道也解縉頓首曰以臣所見

異是世子忠敬仁孝天下莫不聞異時守成令主也
且夫以孽奪宗爲亂道王從上田射生多軍士有二
鳥竝柯棲連中之上喜漢王技至此乎解縉從旁對
曰所謂賢王者孝友慈明爲藩國長若夫挽弓命中
洞胸貫顛猶一卒也陛下誠愛王不宜以此爲王譽
上竟立世子爲太子封王漢國雲南王失望不行曰
我何罪處我荒徼已又改青州王曰我何罪處我瘠
土是時上將巡北平使太子守南京王請從太子居
南數行離間私譖解縉於上上至徵太子師傅皆繫
獄而解縉亦爲王寤死獄中王居南京乘閒請天策

為護衛擁軍三千不隸於伍符輒自詫天策上將唐
 太宗之號也長史瑛善岐鳳數直諫王怒附繫之
 詔獄兵馬指揮野驢執治漢府不法人王煞之以鐵
 瓜王數體解無罪人投之江漆革為舟以習水戰造
 大量收祿米縱護衛軍強取民間貨財或至盜劫永
 樂十五年上南還聞王不法事褫王衣冠繫之西華
 門數日皇太子力抹解上曰吾為人父不知子耶彼
 方以秦王世民自與居爾於建成乃更王封於樂安
 曰是怏怏者必為變處之樂安朝發夕擒之矣王至
 樂安深懷怨望異謀益急私造火器籍壯丁為行伍

破獄出死囚厚養之集旁近無賴壯子弟及逋逃賜
 銀幣編隊甲給諸衛所兵器行其暴盜而境內騷然
 上崩太子踐祚為昭帝王數遣人窺闕昭帝知之顧
 益厚遇王昭帝崩章帝即位有所求請輒不得益怨
 望遂發兵反長史李默諫不聽乃作五軍指揮王斌
 等將四軍諸子將一軍而自將中軍偽授官號私於
 英國公約為內應故御史李濬者樂安人方持服家
 居匿妻子變姓名馳告闕下王知之使使者追捕不

及使者還王怒磔之

濬字伯淵漢庶人既平章帝嘉

遼東守臣懈於邊備虜數寇盜命濬往巡撫濬至以

禦戎之道莫重於守於是高城深池謹烽埃鳴刀斗

揀精銳士馬分布要害暇則躬督屯田區畫措置繇是邊儲充實甲兵堅利瀚海以東悉平悉寧進左副都御史勅便宜行事在邊八年以疾乞休未幾卒侍郎王偉銘濬墓謂濬小心慎密至誠無僞其在朝則比之石慶在邊而王所私遣人英國公所者英國公則比之趙翁孫

亦繫以聞上不忍加兵使中官泰諭王王盛陳兵衛見泰南向坐言曰我何負朝廷哉靖難之戰非我出死燕之爲燕未可知也永樂中太宗皇帝削我護衛徙我樂安讒我者誰耶今固望縣官優我而輒云祖宗故事故事我豈能鬱鬱無動作汝循營視漢士馬豈不可以洗洋天下速歸報急縛朝中奸臣來徐議吾所欲耳因上章指斥大行皇帝與上所爲名夏原

吉等奸臣索誅之上嘆曰高煦果反夜召夏原吉楊士奇楊榮問計楊榮曰彼謂陛下卽位新必不能自行若自行出不意且大懼破之必矣上問原吉曰於卿何如原吉曰漢王鷲而寡謀外慙中愜臣嘗見其命將而色變將出師而泣知其無能爲也且兵貴神速楊榮策之善上立召英國公輔下親征詔告高煦罪於天地宗廟百神八月發京師英國公輔少師義少傅士奇少保原吉太子少傅榮太子少保中尚書澗本通政使佐從以武陽侯祿爲先鋒是時漢方約內應取濟南濟南守吏覺之不得發漢將榮者南人

請引兵趨南京漢諸將曰南人謀家耳奈我輩何庚辰武陽侯至樂安城下約戰上令大軍蓐食兼行辛巳昧爽上軍城北壁其四門諸將請攻城不許諭王書不荅乃使射詔城中城中人多欲劫王獻者王驚遣人詣行幄請假一夕訣妻孥以明日自歸許之其夕漢盡焚兵器反書壬午上軍城南漢將斌曰就擒辱也何如戰死王曰城小乃從間道衣白席藁出見上頓首自陳上赦王罪使召其諸子解兵令武陽侯祿尚書本旋定城中改樂安州曰武定乃班師還京降王爲庶人繫之逍遙城誅所與謀者六百四十餘人減死戍邊者千五百餘人實口外者七百二十七人獨長史李默免上之逍遙城視庶人庶人足鏹於木運木撞上上不期而踣遂覆巨鼎炙之庶人負鼎鼎動須臾死諸子皆死初昭帝爲太子上時爲太孫與庶人從上陵太子體重多躓高煦後言曰前人躓後人警太孫曰戒之更有後人警後人也

庶人十子

世子瞻垣先庶人卒

庶人瞻圻圻憾父殺其母證父於朝父惡之言於昭帝褫王守陵鳳陽誅其紀善李遜

瞻空封濟陽

瞻域封臨淄

瞻埤封昌樂

瞻澤封淄川

瞻坪封齊東

瞻濤封任城

瞻塏封海豐

瞻邨封新泰已上皆坐逾幽死

趙王高燧國彰德母徐皇后王寡學好武成祖靖內難與有功自喜負與漢庶人謀奪嫡數密譖皇太子

宮僚永樂二年封趙居守北京多用邪人左道上怒誅其長史禡王寇以皇太子力抹免上晚節多疾皇太子視國事宦官黃儼江保者素邪媚皇太子疎斥之遂數離間皇太子於上皇太子希進見二十一年王入朝留京師儼等妄言上屬意王從王來者指揮孟賢等皆喜欽天監謝成過賢所密言曰成觀天象且有易王之變旬月閒耳賢益喜與其弟三軍人恕子和正覲等僞爲遺詔通內近中貴人謀鴆上幸宮車宴駕卽劫出禁仗符璽僞詔從中下立王爲天子然未以告王曰待事成總旗王瑜知其謀詣闕上變

上命急捕賊御右順門親聽之立誅趙王之人顧王

曰爾為之邪王齒擊不能聲是時也又以皇太子力

抹免瑜山陽人正甥也正欲為趙王舉事私告瑜瑜

變太宗嘉之授瑜正千戶累官右都督僉事佩道

印充右副總兵鎮守淮安瑜雅尚文學門杜私謂為

鎮守寬大不猛以德服人每讀忠臣烈士傳慨然歎

慕遇奸臣賊子則切齒恨之但其上變中有枉死者

及卒之日自束兩手如高懸然號呼抹解上乃選廷臣之賢者輔王以國

子監司業趙季通為左長史董子莊為右長史二人

為王講說經書推理驗事於是王知禮重此兩人循

禮悅孝事太子甚恭太子即位為仁宗王之國遣季

通力辭常山左右兩護衛不許往復再三仁宗書諭

曰賢弟忠愛河間東平亡踰也盛心不可固違今令

兵部存留中護衛添設羣牧千戶一所王國中惟兄

與弟如手如足銘著於心何日忘之趙季通天台人

安未豐知縣調龍溪尉寬厚愛人未樂初除博士陞

司業簡為趙府長史與董子莊端確詳雅同心輔王

當時論親藩輔導宣德初漢庶人反漢黨有誣趙者

之良趙董為極選章帝擒漢班師羣臣迎於單橋尚書陳山請曰漢趙

二王為謀久矣漢擒趙必不安不如出不意移師襲

之上右顧而問楊榮對曰善左顧而問蹇義夏原吉

行皇帝在東宮時趙諸羣小偽詔邪謀發露有狀尚
 為百口抹解大行皇帝僅二弟陛下僅二叔有罪者
 不可恕無罪者不可薄要使主上不受葛藟之媿而
 後羣臣有以見大行皇帝地下榮曰善與義原吉具
 以士奇言白上上止上還京師鞫漢獄漢庶人復自
 言連趙諸臣言趙者益多趙王聞之憂懼不知所出
 上召問士奇士奇曰今陛下宗室惟趙最親可惑衆
 口哉上曰漢趙雖兄弟不同德矣皇考於趙最友朕
 惟一叔奈何不愛諸臣言趙益多朕行以漢詞與諸
 臣彈章示之乃遣廣平侯容都御史觀往諭容觀至

趙王曰吾生矣因盡納護衛上表謝恩上繇此待趙
 王益厚王二十八年薨諡曰簡子惠王立惠王名瞻
 熇立二十三年薨子悼王立悼王名祁鉉立六年薨
 子靖王立靖王名見濬王狎戲酗酒怒輒以刀劔刺
 刺人重篋殺之或剗面碎首南樂湯陰二王王叔父
 也而亦欲殺之又強買良家子女留止樂婦後宮成
 化中華冠服削祿三之一後復冠服立三十八年薨
 子莊王立莊王名祐栳好酒色立三十六年薨子康
 王立康王名厚煜讀書好禮孝事其祖母妃妃疾為
 嘗糞嘉靖中彰德饑王請辭祿以賑之朝命不許世

宗南巡王迎駕甚恭王招致賓客文酒游宴有淮南
梁孝之風其後與其次妃反目自縊立四十年子昭
定王載培世孫翊鎰皆先王卒今王常清立進昭定
王為恭王世孫為安王王跛捐產以抹荒

趙簡王二子

世子瞻坡先王薨諡悼僖

惠王以安陽王進王

趙惠王八子

悼王

臨漳王祁鋈坐與靖王同虐革服減祿薨子見漙立

漙薨子祐棧先父卒棧子厚炯立炯薨子載塏立塏

薨子今王翊鋤

湯陰王祁鏞坐與靖王同虐革服減祿子見準以丞

繼母賜死除有宗室

襄邑王祁銍銍薨子見滂立亡子弟見沂嗣沂薨子

祐樺嗣樺薨子厚燔嗣燔薨子載垓以擅婚事例除

有宗室

洛川王祁鋹鋹薨子見渥嗣渥薨子祐架嗣架薨子

厚烙先父卒烙子載堯嗣堯薨子翊鎰嗣鎰薨子今

王常渲

祁鉞天

南樂王祁鉞坐與靖王同虐革服減祿鉞薨子見瀾

嗣瀾薨子祐楨嗣楨薨子厚錙嗣錙薨子載塢嗣塢

薨今王翊鏞

平鄉王祁總總薨子見洸嗣洸薨子祐楸先父卒楸

子厚燦嗣燦薨子今王載坊以私收濫妾降封

趙悼王三子

靖王

汝源王見淇淇薨子祐桐嗣桐薨子厚焞嗣焞薨子

載墀未封卒絕除

昆陽王見洽絕除有宗室

趙靖王三子

莊王以清流王進王

廣安王祐枳枳薨子厚燾嗣燾薨子載堂嗣堂薨子

今王翊鏞

祐杅天

趙莊王五子

康王

江寧王厚煉煉薨子載璞嗣璞薨子今王翊鏞

光山王厚輝絕除

秀水王厚炳絕除

厚煥天

趙康王二子

獲嘉王載培以孫常清追諡恭

成臯王載垸康王之綏也對侍兒咄咄自語若有所恨者殆為妃與成臯王外論洵洵於成臯王先是洛川王翊銘爭民田彰德通判田時雨撻其奴論戍亡何湯陰王府奉國將軍厚熿厚煥與彰德知府傅汝礪求祿汝礪亦囚其奴不與王使家人詣府求解汝礪不見見時雨時雨復語侵之然王殊無恚於時雨

也王暴薨成臯王懼得罪罪汝礪時雨威逼之以狀聞世宗詔械繫京師論汝礪戍極邊時雨歸斬於趙時論冤焉垸薨子翊綜嗣綜薨子今王常洵翊綜父子風流儒雅駸駸然方駕河間矣

趙恭王一子

世子翊錙諡安

安王一子

今王

今王三子

世子由松

二子三子皆幼

臣為郎時趙自王而下凡六百二十有三宗

昭九子

宣宗而外凡八王

鄭王

越王

蘄王

襄王

荆王

淮王

滕王

梁王

衛王

鄭靖王瞻竣母李賢妃成祖二十二年用皇孫封章帝四年之國國鳳翔以隴人多瘠英宗前九年改國懷慶王多暴怒杖人至死稍不如意輒擊殺之英宗為置強相以御史周瑄為長史後稍戢王四十三年薨子祁鐸王王為世子時棄妃而立妾王有子見滋

不愛也每言見滋母韓氏齷齪百歲後難與同廟見

滋是我為世子時子如何襲得王爵聞人諫輒忿怒

天順三年召入朝戒諭之王二十八年薨諡簡見滋

不及封子祐於王進見滋僖王祐於五十一年薨諡

康亡後東垣王祐擇以簡王孫入繼進其父見湏為

定王祐擇居喪能毀王十三年薨諡懿子厚焮王肅

帝六年也初簡王有子十餘人長見滋次見滋見湏

見滋之母有寵於王王愛見滋而弗教也及長封盟

津數行不順王惡之至於父子交訟純帝廢見滋為

庶人幽高牆故懿王王久之盟津王子祐樞長求復

故爵王不與奏祐樞怨王王讀書能文折節下士然多泥古府中故有習樂之所王盡改其名舍曰中和繹舍堂祀伏羲神農黃帝曰原始之堂室曰思誠之室後室曰祕器之藏其它館第皆以古義名名疑於天子嘉靖二十七年鎮國中尉周王孫勤熨者故嘗得過於周王周王以聞世宗奪其祿勤熨失祿乃詣闕上書極諫若爲名高也者其書曰陛下躬上聖之資不法古帝王兢業萬幾擇政任人乃溺意長生屢修齋醮興作頌仍數年以來朝儀久缺委任匪人遂至賄賂公行刑罰倒置奔競成風公私殫竭脫有意

外變臣不知所終邇者天心仁愛災異疊徵而不下罪已之詔諸大臣亦無避路之章慶瑞頌符接口連牘恐非所以承天變伏惟皇上念祖宗創業之難敬昊天顯道之戒復視朝之禮罷土木之工開忠諫之路屏邪枉之人則天意可回人心用勸將與唐堯虞舜齊名等齡臣言出禍隨顧得從劉向李勉趙汝愚同遊地下不恨疏入世宗怒坐勤熨謗訕降庶人幽高牆居亡何王上萬壽表失臣帝固怪之又亡何帝醮祐樞來獻香王則不使而獨作四箴十連珠以諷切帝其書曰臣聞孔子曰德之不修學之不講聞義

不徙不善不改是吾憂也孔子大聖猶以不學亡德
爲憂况時君邪臣伏見太祖皇帝起淮右身遊四方
居無容膝垂及三載備歷艱難及有志天下統一寰
宇則躬擐甲冑膚冒風雪歷十五載然後乃能逐胡
元平四川收八閩安百姓攘四夷功可謂大矣德可
謂盛矣事可謂危然而後安矣尚慮喪亂以來教阻
道晦民庶懵迷乃復求書廣見求言廣知朝政夕講
寒暑不替餘風騰波及於外國以至琉球諸王遣子
入學然猶勞瘁時臻民隱日察靡敢戲豫所以繼唐
虞竝湯武也洪惟皇上御製心箴註四箴碑幽風書

無逸揭洪範篇大學衍義下詢疾苦身先農桑益身
保民孳孳忘倦臣所親見何及邇年罷講有日美政
無聞使四方學士利欲紛拏莫知所從守藩下臣願
陛下講學勤政求祖宗之初治問百姓之安危臣不
勝拳拳効李德裕丹袞之箴倣陸機連珠之體凡十
四章別錄敬進陛下萬幾之暇取次覽觀臣厚煖不
勝愛君之至四箴曰居敬曰窮理曰克己曰存誠其
連珠十篇曰臣聞連城之壁不付於拙工千里之驥
必託之善御是以脩身者以損德爲憂保國者以失
賢爲慮臣聞如砥之途人以爲邪徑彌天之語人以

爲上乘。是以孔孟之門無人。而異端雜起。堯舜之世。既遠。而治道難興。臣聞衣食足而民富。禮文衰而訓靡。是以農桑必盛於風俗之始。彝倫必明於教學之時。臣聞百口言善。所以尊侈。一心詢過。所以希天。然則諛舌易巽。苦口難便。是以堯疇咨而裕。受拒諫而騫。臣聞水滿易溢。月盈易虧。是以守謙者不挾德而侮。去患者不竢禍而追。臣聞竭民脂而作無益者。世不知惜。長國家而損下利者。士謂非忠。然則民饑而君無獨富。農足而國不能凶。是以愛民則福錫於邦。趾虐下則禍起於舟中。臣聞文公簡禮。春秋加貶。鄒

衍繫獄。夏月飛霜。然則不誠獲戾。罔察罹殃。是以畏威者克謹。天戒敬祖者率由舊章。臣聞商鞅尚法。秦旋踵以亡。仲尼行仁。魯三月而治。是以萬類取足。得象尚於用寬。百姓無匱。求仁先於近譬。臣聞臨春於閣。陳禍以盈。步虛於城。宋室將毀。是以成湯寬仁。不聲色。是親放勳。恭讓不茅茨。爲耻。臣聞被衣寒體。充食餒腹。民日惟憂。耕田南畝。鑿井西鄰。人日惟懌。然則與以惠者。欲其知樂。以利者。忘其力。是以熙皞而王者之爲。驩虞而霸者之策。既奏帝大怒。下鄭人獄。中手詔曰。日者勤慰。謗訕朕躬。朕姑活之。厚煖。敢効

尤彼小豎子耳爾今西伯也諸欲為為之祐樛因帝
 之怒王也撫拾王罪四十章誣王反上使駙馬詔太
 監堪往視還報反亡驗信惑小人治宮館名號疑乘
 輿則有之而方掉弄章句譏謗至尊上曰厚烷橋傲
 不稱臣百凡自擅掇拾朕過無禮不道降庶人囚之
 王囚高牆十八年莊帝即位乃出復其爵王自少至
 老布衣蔬食而已自封至復王凡五十五年薨諡為
 恭而前盟津王亦稍白得復爵賜諡王世子載墳讀
 書樂道有恭王風恭王之囚也世子不敢室築一室
 王宮門外席藁以居如王囚之年數王薨世子曰鄭
 宗之序盟津為長前王復爵與諡矣爵不宜我固避
 之山中其後竟立祐樛之曾孫載璽為王

鄭靖王四子

簡王

新平王祁銳天亡子除

涇陽王祁銑信讒撥置世子逼人致死天順三年召
 入朝戒諭銑薨子見溢嗣溢為世子荒淫亡度母妃
 張氏常制教之母薨溢殺一犬殮而埋祭之以比母
 及襲封宿娼喪次妃郭氏泣諫溢怒撲之宮門絕其
 飲食笞殺其從婢復強納母妃女弟為妃兄所奏孝

宗八年革爵除

朝邑王祁鎔亡子除

鄭簡王十子

世子見滋追封僖

盟津王見葱王出府別居竊世子金冊以去他日復

入簡王宮欲取寶簡王索出其世子冊以是怨簡王

遂不復朝凡朝廷慶賀進表箋禮皆廢他日輿而過

涇陽王門見涇陽王不下妹廣寧郡主及并府中製

臥牀奩具碎而焚之又強娶良家子為宮婢多占軍

較至百餘人簡王不能制以奏聞純帝二十年革爵

令戴平巾習禮讀書敬帝即位得歸及沒肅帝賜諡

子祐樁多行不義惡於恭王

東垣王見漬王狎家奴安童數欲殺其妃憲宗斬安

童禱王為民久乃復王薨以子懿王進封追諡定懿

王庶子厚焯仍襲東垣爵焯薨子載墩立墩薨子翊

鎧立

河陽王見瀉殤除

信陽王見浪殤除

宜章王見洲夭亡子除

繁昌王見瀼瀼薨子祐榜立榜薨子厚燦立

廬江王見南浦薨子祐棊立棊薨子厚光立長子載

丹陽王見陸亡子除

真丘王見消亡子除

鄭僖王二子

康王

祐憶殤

鄭恭王三子

世子載墉

德慶王載墉薨子

載立

崇德王載陞亡子除

臣為郎時鄭自王而下凡二十一宗

斬王瞻垠不知其母故封靜樂王傳姚友直授王經

有顧問必正對王雖幼知賓禮之王早卒諡莊獻昭

帝即位追諡獻

姚友直名益以字行浙江蕭山人洪武甲戌進士授中書舍人累陞司經

局洗馬宣廟為皇孫時奉命授書并授斬獻王陞左春坊左庶子及滕王建國雲南陞雲南左參政掌長

史司事滕王薨因事至京宣廟嘉念舊勞擢太常寺卿

越靖王瞻墉母昭皇后永樂三年用皇孫封衢州未

之國薨妃吳氏殉諡貞惠亡子除

襄憲王瞻墉母昭皇后永樂二十二年用皇孫封王

讀書通詩尤長春秋宣宗四年之國長沙正統初言
長沙卑濕請遷亢爽地睿帝居之襄陽帝北狩其時
諸王中王最長親且賢朝議以國家有故非長王無
以填之謀迎立王子既不果郕王攝王上書皇太后
請立睿帝太子急發府庫募勇敢士迎鑾而令郕王
加意監國之政而郕王隱之不以聞太后書至已立
爲皇帝矣郕王卽位又上言陛下誕登寶位非從上
皇冊封若稍失臣節宜旦夕遣使視膳朔望率羣臣
問安以不失恭順之意睿帝復辟于謙王文坐謀迎
王子誅疑王與有謀而王實不知久之從宮中得王

所爲二書賜書遺王比於金滕召王朝既見甚懼使
詣謁長獻二陵歸上章言伏觀皇太后制諭廢郕王
如漢昌邑王臣讀漢書霍光因昭帝無後援立昌邑
以承漢祀初無篡奪之非郕王承皇上寄托之重乃
乘危篡位改易儲君背恩亂倫非昌邑比臣閱其所
葬杭氏壽陵高聳僭擬長獻臣不勝憤悼伏望夷毀
以明禮法上從之河南按察使王槩坐誣繫獄王過
河南河南父老遮王車訟槩王訪槩爲吏誠善及小
見賜宴酒半王跪席舉身爲上言日從洛中來洛父
老所以遮車訟槩狀上立命名爲大理卿王槩廬陵人正統壬

成進士起家刑部郎歷湖廣河南參政河南按察使
巡撫陝西入為大理寺卿刑部尚書槩所歷多在法
司精習律比了決無宿案凡以要結至者測情協律
指摘過誤疵謬不少假借以故諸法吏相率為明慎
刑用不枉其所為斷案繳駁法吏亦轉相成抄寫傳
以為式率諡恭毅子文年十六舉進士以翰林出為

廣西

參政王出有二都督犯駕內侍以聞上怒庭杖二都

督王入謝曰臣出無駕二都督何從知之若罪二都
督是臣為阱於二都督也上竟赦二都督杖王數欲
返國上特賜護衛及旗手司鷹坊司食鹽三千引官
其二夫人之弟二乳母之夫皆為百戶春秋上戊祭
社稷山川賜陪祭官懸帶牙牌又賜之襄王之寶雕
玉篆曰以識密奏上曰昔周公有大勳勞成王寵以

天子禮樂叔父豈下周公姪欲加叔父宮殿黃琉璃
瓦王踉蹌辭奈何以臣壞祖宗之典訓且居第當傳
孫子用陶瓦世世相安也上曰善及行上送至午門
外王逡逡若有所言上曰叔父何言王頓首曰今海
內之民財殫力痛望陛下如望慈父母願陛下省刑
罰薄稅斂以答海內心上拱手謝王還上及太后思
王不已四年復召王王至上諭廷臣曰吾叔父襄王
天下第一賢王也其以朕言勝於宗人之府三時返
國御製峴山漢水二賦及襄陽四時歌以榮之王行
上送至蘆溝橋駕在王後王辭以臣先君大亂之道

也。上曰：今日姪送叔，非君送臣，叔父何辭之與？有王不得辭，反其車以面上。六年，復迎王，以老辭。上歲致存問，諸藩自谷王後皆禁不朝。王獨以小心清慎守法，遠嫌得來朝者。再在位五十年。薨，子祁鏞嗣。在位十年。薨，諡曰定子。見淑嗣。在位二年。薨，諡曰簡子。祐材嗣。王聽其妃父井海左使多箠殺人。孝宗中降勅切責海及王所親信，俱戍邊。在位十四年。薨，亡子。諡曰懷弟。祐楯以光化王進封。在位四十三年。薨，亡子。諡曰康始。懷王好玄脩，復好鷹犬，蓄善馬，日行八百里。一日騎往南陽，返而日未曉，又嗜女色，宮中賞賜

無節，兼有鬱攸之變。先世蓄積爲一空。康王之嗣也。嘗命道士禱雨而應，遂奉道好五雷法，嘗無故煉神，忽見一長人，高六十七丈許，青面赤髮，黃金甲，執鍊鞭立庭前，因悸終其身。年八十五。薨，二王同月生也。而皆好道教。初簡王夢兩道人相採髮，絲端禮門，直入王宮，遂生二王。而皆以好道。康王薨無子，其從姪厚頰以陽山王進封。陽山王者，定王次子。見滂之孫而祐楬之子也。追封見滂爲恭王，祐楬爲惠王，王之嗣王也。幼鎮寧王祐樞攝之。世宗南狩，承天廉王長進王王焉。王初爲王國資，縮甚，乃折節爲儉。攝敝

衣冠居外廡不厭稻粱遂能節祿米之美以助於王家嘉靖三十年虜犯順王進銀二千助軍三十六年三殿災王進銀三千榘木十世宗兩賜獎勞卷衣一襲王事嫡母王太妃及潘太妃至孝潘太妃薨王殯之左偏王太妃曰汝母有爾繫社稷是賴其何有於正寢左之以我乎仍正寢王泣曰臣非敢有違臣不忍以非禮加臣母及葬跣而扶櫬行五十里王愛襄人左右不使犯有司四方士大夫道襄者率先施禮與為韋布交人為之語曰夫人入楚也山不登太和王不朝于襄云何之徜徉王在位十五年薨諡曰莊

子載堯嗣為今王

襄憲王三子

定王

寧鄉王祁鏞亡子除

棗陽王祁鉦鉦薨子見沔立沔薨子祐楛嗣善文章精騎射力能制奔馬博涉星曆兵農醫卜之書言休咎多中好持論經濟之術嘉靖初上書世宗請伯孝宗考獻皇帝世宗褒諭之更請除宗人祿使其以四民自為生賢者用射策應科寢不行康王為王病廢不能事承奉邵亨挾權自恣拷死王舅王惡之剔其

兩目坐奪爵嘉靖四年也十八年上狩承天念王前
疏復王王薨今王厚燭嗣長子載墀

襄定王三子

簡王

陽山王見滂滂薨子祐楬嗣以子莊王進封郡爵除
鎮寧王見渙寬仁樂善王薨子祐樞嗣樞薨子厚從
嗣長子載堦

襄簡王二子

今王以安福王進封

鄖城王載堦先封隆慶避穆宗年紀改今封

永城王載圻亡子除

臣爲郎時襄自王而下凡三十有七宗

荆憲王瞻桐母張妃永樂二十二年用皇孫封宣德

四年之國建昌正統十年改封蘄勤學好古祇慎肅

恭延攬文學之士王三十年薨子靖王祁鎬立王七

年薨子見瀟立初靖王生三子見瀟荆王見溥都梁

王見滂樊山王見瀟與都梁同母母妃愛都梁常多

予之金帛見瀟素不平及王錮母妃斂其衣食竟死

將葬出柩於竇召都梁王入後園騎射擊之以鏃尺

塞其口捶殺之鑽火王肛謂王妃何曰都梁王與王

騎射後園馬驚踐死因逼淫何妃於後宮王從弟懷
 順王見潭之妻茆妃美求通焉懷順王母馬妃懼防
 之王怒髡馬妃鞭之百餘孿懷順王囊土壓其面王
 怒械繫茆妃入宮脅姦之數集惡少年騎射微服涉
 漢略人美妻女其聚斂不可勝道惡鎮國將軍見溢
 見流閉之空舍餓死之樊山王懼其及也密聞於孝
 宗孝宗使太監俊駙馬都尉震御史珊徵王王至上
 使諸王與文武大臣議罪諸王文武大臣皆曰見瀟
 罪惡深重不蔽於刑書上曰寧末減削爵降庶人錮
 西內賜何妃死奪茆妃之封弘治四年也居二年見

瀟從西內復撫奏樊山王過樊山王曰昔者大行皇
 帝遺詔至荆見瀟拒不內見瀟居荆多置弓弩築土
 山簡舟閱馬廣儲生鍊聚輿械其子祐柄濟惡謀不
 軌向未盡言耳乃敢誣奏我遂更上王前事上使覆
 視有之乃賜見瀟自盡廢祐柄而封都梁子祐欄為
 王是為和王王十年薨子端王厚烜立端王有賢聲
 景泰中上書請朝上皇不許荆長史施魯賢者也王
 厚遇之施魯仁和人學古守高耻為遇合為長史以
 正道匡王是非介然不阿王為疏請增秩魯
 以方嚴簡充不為劉瑾所悅矯勒致仕瑾誅起用辭
 不赴魯無一畦尺椽之藉東西僑賃不常非其善不
 受也王四十六年薨子載璉先王卒孫恭王翊鉅立進

封載墟爲莊王恭王十六年薨子常泠先坐罪革爲庶人弟敬王常涪立王一年薨亡子弟常益立爲今王世子由樊

荆憲王二子

靖王

都昌王祁鑑鑑薨子見潭立潭死於見瀟子祐鳩立鳩薨子厚熙立熙薨子載塔立載塔佯狂放紛至抉人眼長子翊鏵先卒子常澣未封

荆靖王三子

庶人見瀟

都梁王見溥爲見瀟所殺見瀟廢子祐欄進王郡爵除有宗室

樊山王見滌滌薨子祐構立構薨子厚焮立焮薨今王載圻立王讀易窮理折節士大夫閒諸王通刺士大夫故不名王獨名郡王女得封而請祿於朝王有四女不爲請下嫁於士人隆慶中請自試不報長子翊鈺翊鈺與其諸弟翊鏗翊鏗皆工詩兄弟相唱和號花萼社

荆和王三子

端王

富順王厚焜幼孤未就傅稍長媿與其長者語乃潛心學問至忘寢食薨子載堦立堦薨子翊堤立爲今王長子常涵

永新王厚熿能詩薨子載壕立壕薨子翊鍵先卒孫常渭立爲今王

荆端王一子

永定王載堦以子恭王追諡莊郡爵例除有宗室

荆莊王二子

恭王

德安王翊錯薨

荆恭王三子

世子常洽隆慶三年以罪降庶人

敬王以泰寧王進封郡爵例除

今王

今王四子

世子由樊餘子以王進封格於例不得郡王爵

臣爲郎時荆自王而下凡百四十有五宗

淮靖王瞻塽母曰李妃初國韶英宗以韶瘴擇饒徙居王朝長史李伯嶼從左右請有他求與伯嶼不可曰朝廷之上有賜無求賜則惠求則瀆王病府中人

請為王祈福伯嶼曰何如貸丁錢以甦衛士之困王
 皆從之李伯嶼上海人為桐廬訓導識姚夔於諸生
 間子澄清並舉進士恬得有聲清官南刑部
 丁艱服缺夔時為吏部尚書欲留之北
 部清辭曰人無以公為先大人故耶王薨凡二十

三年王子祁銓立諡為康王凡五十五年世子見濂
 早卒弟清江王見澱子祐榮嗣立追諡世子安王清
 江王端王王遊戲無度左右倚勢橫暴境內苦之左
 長史莊典以王不順請自免詔止之會饒州推官汪
 文盛與王府不相悅有顧嵩者病風持刀撞入王門
 大叫王執詰之嵩謬言汪推官使我來殺王典以告
 鎮巡官時鎮守太監黎安以事至饒其隨騎近端禮

門被撻安以為辱怨王而先是王有名琴焉曰天風
 環珮其音殊絕寧王宸濠謀之不得又求王濱湖地
 王弗與坐是嗾安舉奏王過典不能抹併及文盛被
 誣事王亦奏辯下撫按詳訊安與宸濠謀不候報遽
 逮典及府中官較鞫之典詞不遜宸濠復使人將至
 府箠擊之死獄中他所連死甚衆於是王奏安挾仇
 殺典以脫嵩及縱參隨堂等嚇取民財上遣司禮太
 監張欽都御史金獻民錦衣指揮使薛璽往按王畏
 宸濠不敢奏欽等又為安諱護遂言王聽信奸徒為
 惡請嚴戒之淮府軍較坐戍邊者二十餘人刑部覆

奏詔從之而典寃竟弗白正德十年也王薨諡為定王凡二十年亡子弟鎮國將軍祐楨立諡為莊王凡十三年子厚燾立諡為憲王凡二十五年子載堉立薨諡為恭王凡二十一年世子翊鏡早卒弟建昌王載堅嗣立薨

淮靖王三子

鄱陽王祁鑑亡子除

康王

永豐王祁鉞鉞薨子見淨立見淨文而好士得教授李勳知其賢請以為子師亡何薨子祐相居王喪不

敬勳以書諫王庶幾改之他日勳辭王歸王曰嘻吾

可一日無先生勳吉水人相薨子厚焮立焮薨子載址不

及封址子翊銳立長子常灝

淮康王七子

安王以世子卒亡子用姪定王追封

端王先封清江用子定王追封郡爵除

南康王見洽洽薨子祐桐不及封子厚熒立長子載

趨

德興王見澗澗薨子祐楗立楗薨子厚燾立燾薨長

子載堉孫翊鍊

見汴未封卒

順昌王見漳漳薨子祐樅立樅薨子厚焮立焮薨子載圭

崇安王見洵洵薨子祐幹立亡子除

淮端王二子

定王

莊王以鎮國將軍進封

淮莊王八子

憲王

高安王厚炆炆薨子載堦立堦薨今王翊鈇立

上饒王厚焮焮薨今王載堦立

吉安王厚燔燔薨子載堦

廣信王厚煤煤薨長子載堡

厚燮未封卒

嘉興王厚爨爨薨子以擅婚降奉國將軍

紹興王厚焮長子載封長孫翊銓

淮憲王四子

恭王

今王以建昌王封

金華王載堦子翊銷

華陽王載域亡子除

淮恭王一子

榮昌王翊鏡亡子以弟建昌王王追諡昭

臣為郎時淮自王而下凡一百有四宗

滕懷王瞻塏母郭妃仁宗即位用皇子封國雲南未

行薨年十七除

梁莊王瞻垣與滕懷王同母仁宗即位用皇子封國

安陸仍郢邸姿度英偉好學不倦襄獻王自長沙徙

安陸道王國王相見甚歡辭去至泣下亡何薨凡王

十八年亡子除

衛恭王瞻埏與滕懷王同母仁宗即位用皇子封懷

慶未之國正統三年薨亡子為人孝謹好學以賢聞

王薨妃楊氏殉諡貞烈

英八子

憲宗而外凡

王

德王

許王

秀王

崇王

吉王

忻王

徽王

名山藏卷之四十

晉江何喬遠 撰

分藩記五

英八子 憲宗而外凡 王

德王 許王 秀王 崇王 吉王

忻王 徽王

德莊王見潋初名見清母萬宸妃景帝時用皇姪封
榮王英宗復辟改封德國德州既國濟南王六十一
年薨子祐榕立是為懿王王十九年薨世子厚燉不
及王厚燉子載澄立是為恭王追諡世子懷王恭王

三十四年薨子翊館立是為定王王十二年薨子常
那清立為今王

德莊王三子

泰安王祐楸庶長子也王薨子厚熾立熾薨子載塏
立無子除有宗室

懿王

濟寧王祐楸無子除

德懿王五子

東平王厚燉改封世子不及王以子恭王追諡懷
歷城王厚熾亡子除

厚熾未封卒

臨朐王厚熾薨子載堠立堠薨今王翊鉞立

高唐王厚燮亡子除

德懷王三子

恭王

臨清王載縻縻薨今王翊鉞立長子常瀝

寧海王載圻圻薨今王翊鐸立

德恭王四子

定王

堂邑王翊鏡

利津王翊鏢鏢薨長子常瀟不及封卒亡子除
翊鏞未封卒

德定王五子

今王

安陵王常濤

紀城王常澍

嘉祥王常洸

清平王常濇

臣爲郎時德自王而下凡十有四宗

許悼王見淳景泰三年用皇姪封亡何廢王母王端

靜安和六宮敬仰天順初冊爲惠妃

秀懷王見澍母高淑妃英宗居南宮時生以後元年

封成化中之國汝寧國隘宦者請遷先師廟廣之王

曰遷廟廣府其爲避尊乎使小子之居近學宮所樂

也王讀書至戡黎之篇二長史爭論左長史曰戡黎

者武王也史記載紂使膠鬲觀兵膠鬲問之曰西伯

曷爲而來西伯蓋武王右長史曰文王也文王脫羑

里之囚獻洛西地紂賜之弓矢鈇鉞得專征爲西伯

非文王而何二長史爭至強王曰先皇帝簡二先生

爲小子說書固謂能解頤舉隅二先生卽所見不嫌

往復何至爭顏色王十六年薨亡子除

崇簡王見澤國汝寧母仁壽皇后英宗居南宮時所
生以後元年封憲宗十年之國孝宗八年仁壽皇太
后春秋高念欲一見王上馳勅召之命內閣考襄王
故事太學士徐溥等言襄王入朝在英宗復位之後
雖曰篤親親之誼實以釋其嫌疑憲宗皇帝聖孝純
篤所以奉養皇太后無所不至而臨御二十餘年崇
府諸王未嘗輕召良以母子之情一時之私朝廷之
計天下之公也今國用繁重府庫未充天災流行民
力殫盡山東河南一帶霜雹交作春田告荒而數年

之間朝廷睦念宗親恩禮加厚船隻車輛倍于往時
諸王輔導非人罔知約束需求夾帶所過貽害加以
益王之國又在此秋天下朝覲亦當今歲往來供億
政慮不堪若此端一開親王無不歆動爭乞來朝朝
廷縱能止其入朝未免曲加恩賚費用不貲體要無
補且太皇太后思念崇王奉命來朝雖少遂一時願
見之心然欲別則難免眷戀不捨之情既去必倍增
憂思不忘之意他日上履聖慮所未敢言伏望皇上
益積孝誠婉容陳說如太皇太后聖情切至特遣內
臣量齎賞賜遠加慰問禮部尚書倪岳及府部科道

官皆以為言上猶重違太皇太后既而科道官復
 上再聞太皇太后乃得命王四十九年薨子祐樞嗣
 四年薨諡曰靖子厚燿嗣二十四年薨諡曰恭崇簡
 靖恭三王竝以賢名而恭王孝友為尤稱子載境嗣
 十九年薨諡曰莊今王翊鑄嗣世子常澤

崇簡王三子

靖王

瑞安王祐桓桓薨子厚燦不及封孫載埴嗣亡子除
 有宗室

慶元王祐楛楛薨子厚焯不及封孫載圻嗣亡子除

有宗室

崇靖王二子

恭王

懷安王厚嫌王年八十餘薨子載垌嗣長子翊鑣長
 孫常濶

崇恭王二子

莊王

歸德王載壇亡子除有宗室

崇莊王一子

今王

今王二子

泰和王常漣改封世子絕除

南陽王常津改封世子郡爵除

臣爲郎時崇自王而下凡二十有七宗

吉簡王見浚與德王同母英宗生王於南宮以後元
元年封王吉國長沙時王二歲耳王慎守法度謹財
用樂遊嶽麓書院訪古人之跡梓先聖圖及尚書誦
而觀之時披賈太傅新書陶然嘻喟然慨浩然長歌
也伴讀吳華進逆耳書於王王受而納焉華鎮江人七十
一年薨世子祐扶不及王子厚焞立是爲定王追封

世子爲悼王定王十一年薨子載均立是爲端王王
二十二年薨子翊鎮立是爲莊王王八年薨亡子庶
兄翊鑾以龍陽王進封爲今王

吉簡王一子

悼王庶子也封常山仁且孝簡王無適改封爲世子
不及王以子定王追諡悼

吉悼王一子

定王

吉定王一子

端王庶子也其初封光化

吉端王四子

今王庶子也其初封龍陽以弟莊王亡後進王

長沙王翊鉉長子常溟

穀成王翊鉉長子常濫

莊王以嫡子王

今王三子

世子常淳餘子以今王進封故如其故秩為鎮國將

軍

臣為郎時吉自王而下凡十宗

忻穆王見治與德王同母憲宗二年用皇弟封未之

國薨王天性孝友無所玩戲

徽莊王見沛國鈞今禹州也以避上名故改王韋德

妃出憲宗二年用皇弟封王之國使承奉司自置吏

河南左布政使徐恪以非祖制革其吏王奏恪慢侮

憲宗諭王書曰恪是也固無罪恪字公肅常熟人成

給事中歷右副都御史巡撫河南權倖不便恪所為

謀去之調巡撫湖廣臨行民擁留號哭沛城為之罷

市在湖廣親藩左右不得行私復譖毀之憲宗欲保

全恪特命遷南工部侍郎恪自言臣以傳奉得官不

敢居職上勉留之六載考績進階正議大夫資治尹

恪巡撫兩省凡遇災異或事關害民即條陳時弊動

名山藏

卷之四十一

分藩記

七

年薨子載瑜嗣載瑜在位五年有罪削爵降庶人自
殺子七人俱廢初恭王虐而以好道自媚於肅帝帝
南巡道禹王迂郊甚恭說之召語移日奏對稱旨歸
大賚王益歲祿三百封爲太清輔玄宣化忠道真人
賜金印王以此怙恩無忌撫按官發其事者輒被重
譴故用得壽終及庶人王猶縮真人印如故庶人慧
巧出恭王上淫虐過之益伺上意所以悅帝萬方故
於微最親王置傳聞上起居王府中具百工精巧殊
異王又善以其慧調度之其器物甲天下上宮中有
須王先時獻王訪得一羽衣年八十餘手甲長數

寸善導引徵入宮中厚遇之謂之梁甲進之肅帝帝
貴梁甲至與陶仲文竝甲爲人廉謹有所賜予皆辭
謝帝亦以此重之王嘗使人於朝見甲驟貴幸求甲
謝而甲故以辭謝賜予貧如故不能應使人使人歸
惡甲於王而甲不知也王故煉女癸服之上亦須此
梁甲言上一日上問甲取王所煉女癸方甲馳求王
王不與以謂陶仲文王與之甲懼而王方謂帝親徵
大肆於其國盛興土木花石建大小殿廊百餘所欲
植柱處亡論士民第舍卽發屋立城外塚妨行宮者
掘之至七十餘家築飛觀數十丈自北城女牆上連

後苑爲械激水入觀輪苑沼復造二樓亦數十丈皆繡窓雕戶一衣以秦之革金一衣以蜀之文錦自棟及礎不得其梯其巧如此自擇民間美子女徵歌恣飲無旦夕乃又與府中人懋德徵服出行私選女南京得四女歸至王莊驛驛吏察王非凡人徵見王衣疑之拘之驛王墮垣出庫官王章直諫王王斃之前後所殺亡辜二千餘王庭鍾鼓自鳴時時見羣羊出沒王猶虐不悛他日上居宮中梁甲侍上從容問曰徽王無恙梁甲對曰臣藩王自南京歸乃微有霜露之疾陛下念臣主臣幸甚上默然絲此疑王而會民

耿安女小迎冬者王奪入宮中以過勞死之燬其屍安上變言王竊出窺南京形勝五口一探上起居幸瑕隙爲不軌都御史恩御史昭卽亦奏王過失上怒降王庶人幽高牆籍王宮王懼令妃與其所素幸姬皆麗粧自經而旋亦自經死國除嘉靖三十五年也始王夢一老人童顏而長瓜曰吾得請於朝將佐王覺而得梁甲如夢中悅之以獻而竟坐甲敗王敗天子謂甲廉謹放歸山初恭王王雖虐然好士無與比時具饗府中食士而較之歲大比親勸駕踰等於有司故猶得以保其國而王竟坐荒縱無忌亡魯論謂

衛靈以用賢不喪。虞書戒甘酒嗜音。峻宇雕牆。此之謂也。

徽莊王六子

簡王以興化王進封

太和王祐棧棧薨子厚炬立。炬薨今王載墾立。

遂昌王祐櫜。櫜薨子厚燠不及封。孫載埒嗣。亡子除。

景寧王祐椀。椀薨子厚焮嗣。焮薨子載塹嗣。隆慶三

年與都御史党以平爭訟。有司奏治之。父子閉門投

井死除。

建德王祐槿。槿薨子厚焮嗣。焮薨子載崇嗣。長子翊

鉉

陽城王祐櫟。櫟薨子厚燠嗣。燠薨子載端坐淫妓服

舍克毆人廢庶人

徽簡王五子

恭王庶子也。自安邑王進封

嘉定王厚赫。赫薨子載端嗣。端薨子翊釜嗣。亡子除

新昌王厚燁。燁薨今王載璋嗣。子翊銘以濫妾子降

封鎮國將軍

慶靈王厚燦。燦薨子載瑩嗣。瑩薨子翊鎔

厚焮封隆平殤除

徽恭王十一子

庶子載培封伍城或蟻以內行恭王賜之死不得白再拜而縊亡子除

庶人載瑜以輔城王進王罪除

太康王載堯

陽夏王載斐諸子以濫妾子降封

德平王載堯

滎陽王載堯堯堯今王翊銘嗣

懷慶王載溍子翊銖以擅婚子降封鎮國將軍

咸平王載塔長子翊鏐先王薨

延津王載堯子翊錚

孟津王載堯

上蔡王載堯長子翊鎮

徽庶人七子

翊錡封安陽

翊鈞封萬善及餘子皆以父累廢為庶人

臣為郎時徽自郡王而下凡一百有三宗

憲十二子 太子孝睿而外凡九王

岐王

益王

衡王

雍王

壽王

汝王

涇王

滎王

申王

岐王祐楡母邵皇后成化二十三年封弘治八年之
 國國德安十四年薨還葬京師諡曰惠亡子國除
 益端王祐檣張德妃生國建昌本荆邸也荆王時常
 有大虵自梁峽地朝退若有人據王座荆王疑焉故
 改蘄王成化二十三年封弘治八年之國性儉約巾
 服盥至再日一素食無兼膳好書史工楷篆享國五
 十二年愛民重士無所侵擾奸人班明誣昌國王通
 王有逆謀竟得白薨莊王厚燁嗣莊王孝友忠敬博
 敏好學雖宦寺女御亦誨之詩書在位十八年薨亡
 子弟恭王厚炫以崇仁王進封自奉儉辭祿二千石

聞宗人產子至四五者輒歎曰不費國祿哉夫夫也
 不事詩書而多近婦人在位二十五年薨子載增不
 及王今王翊劄嗣初恭王以嚮久於國而今王好交
 當世士大夫接引如恐不及燕饋不足給常假於外
 今天下稱賢藩二蜀及益而益恭王為尤

益端王四子

莊王

恭王自崇仁王進封

金谿王厚煌煌薨子載學立學薨子翊鑠立鑠薨子
 常裕立為今王

王厚燠亡子徐

益恭王五子

世子載增進諡昭王

安東王載環吃好受經長子翊鏃

舒城王載坑坑薨子翊銀立銀薨子常溍立為今王

阜平王載堞堞薨子翊鈺立為今王長子常冽

銅陵王載壤壤薨子翊鈺立鈺薨子常泚立為今王

益昭王四子

今王

輔國將軍翊鏃冠帶庶人翊鑒輔國將軍翊鍾三宗

者其母庶不王也翊鍾以學名於藩

今王十一子

世子常遷有文名

黎丘王常溱

浦陽王常漿善畫

淳河王常泖泖薨有遺腹子

華山王常汛風雅有父風

筠谿王常涑好學

羅川王常潛潛薨有遺腹子

安仁王常溱

德化王常淦

十子未名

十一子未名

臣為郎時益自王而下凡八十有八宗

衡恭王祐輝國青州母張德妃成化二十三年封弘

治十三年之國在位五十二年薨諡曰恭子厚燾以

江華王嗣在位三十二年薨諡曰莊嘉靖中辭祿五

千以贍宗室之缺有賢聲子載垚以東昌王嗣在位

四年薨諡曰康亡子弟載封以武定王進封在位五

年薨諡曰安子翊鏞嗣在位四年薨諡曰定今王常

澹嗣

衡恭王七子

莊王

玉田王厚烺烺薨子載塘嗣長子翊鏞

新樂王厚燦燦薨子載璽嗣王嗜古好脩善文章嘗

為皇明聖政頌十五篇贊美高皇帝

高唐王厚煥好文章王薨長子載墀不及封今王翊

鏞嗣

高東王厚炳炳薨子載垕嗣垕薨今王翊鏞

邵陵王厚燿長子載增長孫翊欽

漢陽王厚燮燮薨長子載塵不及封亡子除
衡莊王七子

康王以東昌王進封

安王以武定王進封郡爵除

平度王載邶邶薨今王翊鏃

寧陽王載塿

昌樂王載堙亡子除

壽張王載堦亡子除

商河王載塿長子翊鏡

衡安王三子

今王

鎮國將軍翊釗翊銳以安王進封故不得郡王

今王六子

世子常漣餘子皆以進封故封輔國將軍

臣為郎時衡自王而下凡五十有八宗

雍靖王祐樑母邵皇后成化二十三年用皇子封國

四川保寧弘治十二年之國衡州府中屢見怪方請

徙正德二年薨年二十亡子除還葬於西山

壽定王祐楮母姚安妃嘉禾人憲廟選妃江南嘉禾

以姚氏女女髮素種種不盈尺過吳江縣之平望里

一夕髮委地長可八尺入宮拜安妃里人因名其里曰八尺為之謠曰平望八尺爺娘不識言妃之容髮雖父母亦不知其故也而世俗以為其地人民悍惡解為不識爺娘謬矣王弘治四年用皇弟封國保寧岐王之世絕正德元年即徙王德安居其邸王府中較尉橫櫻市民王不知也知府李重裁抑較尉較尉言王捕重安陸民劉鵬聞之急詣重畫計重曰爾何人吾不識也鵬曰使君廉且仁民在宇下何論識不識王竟上書重朝廷遣刑部大理重鵬佐重對凡從重七十日重得調去然王王久以

聞凡五十五年薨亡子除

重應天人正德辛未進士歷按察副使德安人稱郡

守者必首重

汝安王祐棖母張德妃弘治四年用皇弟封國衛輝

世宗十八年車駕南巡王途迂甚恭上嘉之加祿歲

五百石賜金幣王五十一年薨亡子除

涇簡王祐檉母楊恭妃弘治四年用皇弟封國沂州

王四十七年薨子厚烜嗣未幾卒亡子除

榮莊王祐樞國常德母潘端妃弘治四年封正德初

尚畱京邸劉瑾與吏部尚書張綏謀逐王王就國王

狀貌類高帝常跽府太守于門王畜牛羊以王府表

其角淫民禾稼王四十九年薨世子厚勳先王卒諡懷穆孫載堦立為今王進世子為懷王

榮莊王六子

懷穆世子

福寧王厚熹亡子除

惠安王厚熹薨子載塾立塾薨今王翊鏞立

永春王厚烈薨子載培蚤卒亡子除

富城王厚然薨今王載壻立長子翊鏞

貴溪王厚箕子載堺蚤卒亡子除

今王一子

世子翊鈐

榮世子一子

世孫常滾

臣為郎時榮自王而下凡三十有四宗

申懿王祐楷與涇王同母弘治四年用皇弟封叙州

未之國薨凡封十二年亡子除

孝二子 武宗而外一三

蔚王

蔚悼王厚煒母張皇后三歲薨追諡

睿二子 世宗而外一王

岳王

岳懷王獻皇后生而殤嘉靖四年追封三十九年賜名厚熜

世八子 兩太子穆宗而外五王

景王

穎王

戚王

薊王

均王

景恭王載圳肅皇帝次子也盧靖妃出妃素不為上所喜上常笞責之十八年冊莊敬太子而封穆宗裕王王景王其後莊敬太子薨羣臣請立裕王為太子上以嘗兩立太子皆不利裕王與景王竝居邸又晚節好方士方士又以二龍不相見之說進於是裕景

二王不得見上有年羣臣嗷嗷日夜望立裕王為太子也裕王既與景王竝居邸形跡相擬景王年雖少不與事其左右之人妄有窺覬嘗直至裕王寢次然上春秋高終惡羣臣言二王者即如楊繼盛言及面問二王誅死矣上之三十八年嘗下建帝立儲旨其明年則忘之故春坊中允郭希顏失職家居怨大學士嚴嵩不用己發憤上疏曰臣退伏畝畝生未報恩死何瞑目今天下談士皆稱南倭北虜為中國憂臣切以陛下欲安天下有緩有急蓋孔子曰不在顯與臣往歲恭讀聖諭欲建帝立儲者道路相傳以立儲

賀臣度立儲未也莫若先安儲臣願陳忠之日久矣以爲說從則兩存俱利臣之大榮也說不從則出位死罪臣之大懼也乃間歲星變地震大殿繼災皆天垂仁愛之象謬意在廷或有出死力爲皇上計者乃卒無一二臣念避死欲終不言每思主恩感泣忽然忘生臣不敢言立儲請言安儲何謂安儲誠以君相信信則儲安兄弟相保則儲安父子相體則儲安相信有道釋疑是也相保有道分封是也相體有道總攬是也臣觀自古蒙無故之議者仁君不及全其臣履危疑之地者慈父不能庇其子今皇上至愛莫如

二王至重莫如元輔其初何嫌何疑也自言者倡爲面問二王嚴嵩之說臣恐輔臣疑而不自安則何暇善後然尚可諉也絲差遠也二王疑而不自安則誰與承祧此可大慮也絲最近也皇上何不降德音諭元輔以益加忠謹諭二王以毋忘恭敬使王母疑於上而亦無疑於嵩王心無所惶惑而師保是依大臣無所忌避而匡贊益力則釋疑而君相信則儲可得而安也謂之至和臣聞神龍離淵人易狎之美玉出匱人或伺之二王親皇帝子也貴則國本之寄同處京府則崇高所共欲防不預設則讒隙所繇萌是

故幼而暱就以篤恩也長而出封以強本也宮府不宜久虛山川若已預待臣願大臣畫計聖明早斷及時勅景王殿下之國周其翼衛寵以殊數則分封而兄弟相保儲可得而安也謂之至福臣惟父子之愛天性也恒情體子未有不遺之安逸而身任其艱大者今時何時四郊多壘一日萬幾誠非皇上艱大自身太平未易反掌分封之典既定留京之意已明天序所屬堯舜不能以揖讓聖愛無私伊周不得而假手臣願使裕王殿下親近儒賢涵養冲質討論往古切勵仁孝卽皇上從容而議建立無所不可則總攬

而父子相體儲可得而安也謂之至治內外守府彼此無猜宮中問省之牋不時而進麾下富貴之想奚自而生大之傳世享國次之全終股肱此安儲上計今日先急也臣每嘆古者忠臣不退耕而忘君烈士不避戮以直諫先國者不計其私愛君者必及其後惟聖明仰慰祖宗九天之望深思聖母一脈之托察臣愚始終之無他赦草莽言計自臣始則士豈有不嚮風刎首爭効闕下者哉疏入相嵩等擬下禮部看詳上不悅曰下禮部何爲者誠用其言卽告行郊廟矣嵩等伏言希顏疏意可疑當令禮部會三法司同

議上諭嵩曰汝見彼疏豈不悶怒疑字一端却未見彼懷逾之意夫立子爲儲帝誰可建者遂手諭曰奸邪必無赦理今不忠之臣不義之民皆惡不速行新政以君相久位矣部司雖皆大臣又謂諛也可問之耳目官乃摘疏中建帝二字命禮科會同科道官集議以聞給事中藍璧等奏希顏怨望傾險大逆不道法司擬坐妖言惑衆律詔所在巡按官卽時斬首傳示天下初希顏倡立四親廟議爲公論所排旣罷猶爭上輒優容之至是自擬危言動主倖大功詔下方爲子娶婦緋衣延客御史卽家縛之妻子不及訣論

者謂自古以死博功名未有如希顏者也希顏旣誅其冬令景王之國旨夜半從中出都下市井踴躍相賀歸美聖斷則上亦未始不念希顏之言也其明年王之國安陸居四年薨上下旨相階曰此子素謀奪嫡今死矣初王之國多請莊田戶部以天子愛子悉覆給荆州有沙市者商賈之湊故不在王請中王府較入言王收之使者責市租相望荆州知府徐學謨執不與議歲輸金王府中王怒責益急市民皆逃竄王馳奏學謨而相階持之竟下之撫按官學謨執如初坐調歸

學謨字叔明嘉定人嘉靖庚戌進士起家兵部主事禮部尚書終官其爭沙市以益

荆民荆人改沙市曰徐市為人疆毅有執絕嗜寡交與之談理徵事響應捷出文學法士一見語合薦達恐後不使之知其所賤簡恒峻絕之平生耻言封殖而不疑人欺已臧獲有過常貫不問其末也刁黠民有所憑怙闕而闕其門既卒銓有劉家壩者漢陽之司猶以浮言詆訾而奪之廢

聚王又欲薪之漢陽推官吳宗周白王持之王長史高岱素直節以宗周啓入白王亦罷其他楚中田土湖陂可數萬頃王皆侵入委賦於民故事王薨妃當奏計至是計乃出岱上問階無誤乎階對景府乏老成人奏所以誤誤恐復大宜遣一信臣往護王柩給足王宮眷上是之令階草勅階念府中所侵土田湖陂即稍緩諸藩且請矣并勅籍所司於是田土湖陂

復為楚人業王無子眷屬仍居京師其年諡王曰恭而郭希顏穆宗初賜卹錄

穎傷王載塋殤

戚懷王載塋殤

薊哀王載塋殤

均思王載凰

穆四子 太子今上而外二王

靖王 潞王

靖悼王翊 殤

潞王翊鏐國衛輝與今上同母隆慶五年封萬曆十

七年之國

靖江王懿文太子子附

靖江王守謙少名鐵柱又名煒高皇帝昆孫也是爲南昌王文正之子文正早孤貌類高帝高帝愛之從渡江克太平破陳也先取建康擢樞密院其爲人涉獵傳記而深狡強厲一日高帝問文正汝欲何官文正跪對爵賞急私親無以服衆叔父成大業兒憂不富貴邪高帝益愛之辛丑年以爲大都督節制中外軍事其秋上征漢明年徐達定南昌上謂新得南昌重藩也非骨肉重臣莫與治使爲統元帥與鄧愈趙

德勝鎮之選儒士郭子章劉仲服爲參謀癸卯年漢急圍南昌援兵久不至文正與德勝設方應敵嬰城待高帝兵高帝竟滅漢鄱陽湖然其守南昌數慢高帝令斷無罪訟者舌市張思誠浙西鹽逼犯民間處女不用者投井中按察李飲永以奏高帝怒詰責之文正懼謀降於士誠高帝大驚親往南昌視之馬后使人謂曰帝怒都督甚至可束手自詣帝至文正倉卒出迎帝泣曰兒何唉誅子章仲服等斷其部下頭目五十餘人脚肋遂載與俱歸羣臣請誅之馬后力抹帝曰后言是也吾有兄三人塵此子安置之桐城

召王語之曰而父違我訓教我當治而無恐長封而文正卒帝以洪武三年封王靖江祿視郡王之制官屬視親王之等九年之國上表謝帝覽之爲之淚下沾襟勅其文武從臣曰從孫幼而遠鎮西南善導之爲之著昭鑒錄王之國未久坐淫虐廢爲庶人使田鳳陽苦之王曰不願爲王得努力田丘老死桑林足矣高帝歎曰無福無福閱七年復居之雲南貪暴如故召還安置鳳陽復不悛帝召之京師撻而錮之二十五年卒命其子贊儀爲世子留京師贊儀恭慎好學能書三十年春使省視晉燕周楚齊蜀湘代肅遼

慶谷秦諸王叔父浮湘入蜀出殺函抵汴上太原涉於大同宣府北平東北入大寧遼東折于山東擇文武忠孝之士從亦以觀天下之形永樂初之國成祖使蕭用道爲其府長史用道佐王以善而王亦敬禮之他日問用道曰古今人何多好名也用道曰名之與實猶形影也豈在好哉王當好實東平河間非有其實能令名乎用道秦和人蕭胆之父王薨諡悼僖子佐敬嗣正統初佐敬與其奉國將軍佐敏相訐奏以黃金六條饋楊榮被詰責謫其使人戍邊薨諡崇簡長子相承先王卒子規裕嗣進封長子爲悼順王規裕王薨

諡昭和子約麒嗣王以孝謹聞病癘屢著道士衣冠
夜出市薨諡端懿子經扶嗣王平居學問嘗爲敬義
之箴薨諡安肅子邦寧嗣薨諡恭惠子任昌嗣薨諡
康僖子履燾嗣薨諡溫裕亡子康僖王弟任晟以輔
國將軍進封爲今王王立廟王始祖南昌王永樂中
給銀印宣德中改銀印黃金塗
臣爲郎時靖江自王而下凡三千三百二十二宗
懿文太子四子

虞王

吳王

衡王

徐王

虞懷王雄英懿文太子長子母開平王女以洪武十
五年薨年十四追封虞諡懷

吳王允熲建文帝同母建文初用皇弟封杭州未之
國成祖卽位降封廣澤王居漳其年召還以不能匡
建文帝削爵爲庶人與其媿屬錮鳳陽竟卒英宗復
位出其媿屬塵庶母姊婢五六人有年八十餘者
衡王允燧建文初用皇弟封未之國成祖卽位降封
懷恩王居建昌其年削爵爲庶人
徐王允熾母呂木妃與吳王同封八歲耳成祖入南
都降封敷惠王隨母於懿文太子陵園居二年詔曰
朕聞帝王之道立愛惟親爲子不祇不及於父朕長

兄懿文皇太子降年弗永厥子嗣立崇信姦回顛覆
 舊章戕害骨肉舉兵相嚮朕惟祖宗積德之勤父皇
 母后創業之艱不得已遵奉祖訓將除君側以幾周
 公之義少主自絕于天闔宮赴火朕既即位長兄諸
 子允燹允燧允燮金錫王封不意弗省自生疑懟朕
 念至親免為庶人用保全之長兄未有承祀朕痛切
 心其第四子允燮生十四年矣改封甌寧王世奉太
 子祀展予同氣庶盡親親又二年邸中火王暴薨年
 十六諡端簡為人聰惠而端謹

賢宗附

當瀆

觀漚

成湫

成鏃

睦榘

多煌

拱柄拱搖

輔國將軍當瀆魯鉅野王諸孫也慷慨有志節嘉靖
 中上書請停郡主縣君卹典以蘇民困已奏辭已身
 及其子一歲祿佐縣官疏通運河賜勅獎諭已請以
 父子祿佐賑封內饑民勸上法祖宗重國本裁不急
 息土木詞甚剴切上嘉其意勅褒之祿不許辭
 鎮國中尉觀漚字中立魯鉅野王諸孫父奉國將軍
 漣根博學多文坐客常滿嘉靖中以賢孝旌觀漚被
 服儒素雅好著述執母喪哀毀甚至嘗獻太平圖繪

卷世宗嘉獎之南州有處士萬甲者窮而依觀樞館
穀周恤三十年如一日弟觀鞅亦以詩畫著名請辭
祿廬墓不允同時有鉅墅中尉頤塚安丘將軍頤鏞
皆倜儻有逸才聲詩清拔而樂陵王子頤垓亦善詩
輔國將軍成鋸弟成鏹代隰川王諸孫也父仕塏坐
罪幽鳳陽嘉靖初病死成鋸微服走視自劾越禁乞
負父骸歸葬卽不得請願畱墓側詔許鋸祭父葬所
卽歸雲中卒叛成鏹言叛卒之變幸獲銷平貪酷官
吏實其釁端臣妄有慮天下之變隱于民心異日不
獨一雲中而已究消弭之術莫若先清仕途嚴誅貪

酷語甚切直上詔諸司府綜核考察歲終藩臬入賀
條奏所屬賢否送部撫按躬咨訪勿假手雷同皆自
成鏹發之世謂鋸孝鏹忠爲兩懿焉

鎮國將軍成鏹代靈丘王子也事父母以孝聞親沒
廬墓側負土壘塚號泣不絕世宗朝賜勅獎諭賚金
帛詔禮官曰宗室中有如成鏹者乎其令撫按官奏
聞

鎮國中尉睦樗字灌甫周鎮平王諸孫也父奉國將
軍安河以孝行聞睦樗姪十四月生少端穎朗詣李
夢陽一見大奇之年十五封則與晉江王慎中鄞陳

束結社講藝劇心古作顧謂不足進於道乃覃精經書當是時河洛間宿儒衛君聘名易和太芳名書周伯昌名詩周涿之名春秋許守謙名禮睦樗先後從之遊尤邃易春秋易初主王弼後復取鄭玄謂鄭學莫備于唐李鼎祚刻其集解以傳而自爲春秋傳明筆削之旨是時海內藏書家稱江都葛氏章丘李氏睦樗盡購得之起萬卷樓諷誦其中一切諸王孫世祿之習泊如也士大夫宦中州者扣以經濟鑿鑿中窾縉紳過大梁莫不傾蓋造門或竿牘相通千里定執家故饒貲僮奴數百人皆逐羸車屑麥執藝自給

客檐登至者悉館穀之初高陵呂柟仲木與睦樗講易東陂之上驚曰子輔嗣流也新鄭高拱爲相問易大義云何睦樗曰大易之旨以退爲宗萬曆初詔建宗學府中推舉爲宗正絃誦之聲徹於朱門年七十餘卒門下士五百餘人頌德兩臺請轉聞于朝賜祭葬若諡詔加祭葬焉與睦樗同時有將軍安泐者一歲喪母事父至孝父病革夢神教之刲臂爲湯父食病已後年垂七十追母不逮廬墓三年詔旌表其門晚益精名理延納詞人人稱泐爲小山弋陽奉國將軍多煌父拱檜豪爽喜客善詩多煌恂

謹孝友與弟多炆多燥多焰皆文雅著名遠邇知交
子弟羣從莫不藝文子謀壯謀趨謀趨謀重竝嫺詞
藻善承父志而多炆更潛遊吳楚間所至傾坐其家
以精鐵冒闕賓客延遲鐵爲之豁臨絕命其子以白
幘鶴髦斂耐門人子弟私諡曰清敏多炆子謀揮與
族人多啓謀埒謀塿謀擘竝放志文酒閒娛樂終世
奉國將軍拱納拱樛竝瑞昌王後也父曰宸渠坐宸
濠逮繫中都拱柄請以身代兄弟二人好學儒雅而
拱樛尤辯博有智數數上書言事世宗朝竝承褒獎
拱柄子多炆拱樛子多熿竝博雅有文而多炆以孝
稱瑞昌王府又有多燿者與多熿竝有時名

輔國將軍宇浹新野王諸孫也五歲喪明從師氏畫
掌識文字耳授書日記千言久之博通羣籍明習其
後又精太乙六壬遁數方技諸公爭造其門嘉靖中
陳便宜數十事著名獻錄辯疑碑各一卷唐成王以
摩天王目之子宙松力舉千斤好劔嗜書慕古節俠
廉義之風松子碩爨字孔炎封鎮國中尉博雅慷慨
益弘家學與其子器封竝以文詞名號南陽父子萬
曆中吏科給事中張應登疏諸藩文行可宗正者周
則安胤勤莫勤炘趙則載埒載堆載坑襄則載埒載

幸楚則英燠南昌則多燠多炆多燿多炆於唐則孔
炎父子

天子之子封親王國一字諡一字俗曰一字王親王
支子封郡王國二字諡二字俗曰二字王郡國支子
曰鎮國將軍從一品鎮國將軍子曰輔國將軍從二
品輔國將軍子曰奉國將軍從三品奉國將軍子曰
鎮國中尉從四品鎮國中尉子曰輔國中尉從五品
輔國中尉子曰奉國中尉從六品鎮國將軍子雖嫡
不得世爲鎮國矣中尉而下雖支庶皆得以中尉稱
其名也高皇帝預定二十字子生以聞付宗人府世

取一字爲上名下名翰林院擬字請下宗人府編諸
玉牒字不盡出於字書取五行爲序意制之而意音
之親郡王之妻皆曰妃親王嫡子封世子妻曰世子
妃世子嫡子封世孫妻曰世孫夫人世孫嫡孫封世
曾孫妻曰世曾孫夫人郡王嫡子封長子妻曰長子
夫人長子嫡子封長孫妻曰長孫夫人鎮國將軍妻
曰夫人輔國將軍妻曰淑人奉國將軍妻曰恭人鎮
國中尉妻曰宜人輔國中尉妻曰安人奉國中尉妻
亦曰安人亡別嫡庶子凡宗祿親王歲萬石或不能
一萬本色折鈔兼支不等郡王千石本色三之折色

七之鎮國將軍千石輔國將軍八百石奉國將軍六百石鎮國中尉四百石輔國中尉三百石奉國中尉二百石本色四之折色六之親王之女曰郡主郡主之下曰縣主縣主之下曰郡君郡君之下曰縣君縣君之下曰鄉君尚之者皆曰儀賓尚郡主從二品尚縣主從三品尚郡君從四品尚縣君從五品尚鄉君從六品郡主歲祿四百石縣主三百石郡君二百石縣君百五十石鄉君百石本色二之折色八之儀賓歲祿視其主若君世子世孫以其將繼爵中尉既盡其女曰宗女其壻曰宗壻滋多矣皆不祿親郡王初

封曰封子孫正繼曰襲弟姪以他爵續封曰進以子孫襲王得封諡曰追追封者之子孫例不得受封如正襲諡用陰文親郡王無子絕封曰絕除以罪革曰罪除犯逆曰逆除以例革曰例除親郡王世子死曰薨長子以下曰卒庶人曰故以罪賜死曰誅高皇帝之初封諸王也置相傅以下官屬亞京師護衛精兵萬六千人牧馬數千匹冕服九旒九章車旂服飾下天子一等天子貴重臣至太師丞相公侯拜伏謁其尊也如此郎曰凡郡王之諡皆以備榮哀不關其德善予是以削不載

